

Warasar wekamu

Aarma: Gina Bojorque, Mónica Salto



Nakumak najana: Miti Miti

Warasar wekamu

Aarma: Gina Bojorque y Mónica Salto

Nakumak najana Miti Miti



Chichamun Nekámtikin: Jesenia Maricela Mashu Jintiach

UCUENCA

KU LEUVEN



Belgium
partner in development

Najanmanum yáimkiaru:



Warasar Wekamu

© Universidad de Cuenca

Aáraru: Gina Bojorque, Universidad de Cuenca; Mónica Salto,
Universidad Nacional de Educación

Chichamun Nekámtikin: Jesenia Maricela Mashu Jintiach.

Nakumak najana: Miti Miti

Luis Rodrigo Mendieta Muñoz

Uunt Unuimiatai Uuntri Anaikiamu Cuenca

Papí aákmatai írutka UCuenca Press

Uunt Unuimiátainiam Pujutái

Doce de abril y Agustín Cueva

(+593 4051000)

Papí akuptai

editorial.ucuenca.edu.ec

Juu takat nájanmaka chícham ejéturmanum "Stimulating Ecuadorian preschoolers' and kindergartners' mathematical development: learning-supportive interactions using picture books" kuitian apujtusu VLIR-UOS tura Uunt Jintitiai Cuenca; áitkiasan iisma tsániasan jimiara enentaiijai ukujtiurma.

Juarkur aákmakma

Aákmaru níniuri

ISBN: 978-9978-14-665-1

Aákmatai ejáturmaka jujai najánamuiti Century Gothic

Papí aarma, Cuenca- Ecuador

Tsunki, 2026

AÚJSATIN JINTÍAMU

Chichárkuta aújsatin, tuke pénkeraiti warámujai enentaímsar áitkiasan papí anéshim aújsatin, nekás enentaímsatniun ikiakawai. Nuní nájankur, uchi aújsatin pachínmake pujústinrinkia shíir átiniaiti, nuyá inisntrúsmajai tuke najánatniuiti. Tura nekápmansar, chichámu chichamsha yá pajsarik, nakusha tii warasar nájánma, nuyá takat nájánmash nankámasu étsermash tii kuntúktutin átiniaiti.

Chichasar aújsatniuka tuke jintiámuri apújtusmaiti:

1. Chikíchik anintrusma apújsatniuti, papí nukén.

Anintrusma saménmajainkia aújsatniun yama juárnaiti

Anintrusma kapákujainkia, patatma aújeamuiti

Anintrusma kinkíajainkia, menaint aújeamuiti

Menaint aújeamu najámam, ame wakéramu anintrusta.

Awainkí anintrúsam, tura chikích inintrúsmash najánamniaiti.

2. Nankámasu Étsermajai, takat yaitia najánatniuiti.

Uchi ankán susartá aújsamun nekáwar anintrusmamaikiarat. Nákasaran tura ikiakárarta, najam útsutsuk

3. ¡Maímtek warásar aújsatin najánatniuiti!



Sesa tura Lucas entsá ayámach nakúrukiar wekásar, Ecuador -a nunké tépakma wankarma nakunkamu tepá waíkiarmiayi.

Lucas chichak, Imia shírmaitia, mash iniákmawai, kampúnnium, naintian, entsa uunt chichimiúrtinian áintsank GaLapagos -a Nunkén.

Ecuador - a nunkén nekatniun wakérurkar, Sesa tura Lucas juárkiarmiayi.



Inintrusma jintía.

1. Ecuador - a nunkén ámanum, tuú nunka nekátasam wakéram
2. Íista, jimiara wampach awai. ¿Ame unuimiatairmín wampach núkap, ishíchik awak túmatskech atsawak?
3. ¿Warí jukitia tame Lucas Sesa - jai wekaútasa wénakuisha?

Imiatkin nekámtikma: Sesaka kampuniúnmaya chai Ecuador -a nunké tépakmanum pujúwaiti, urenka mukusa tura puju painkiarma, jíi sukururma íirkarinkia, Sesaka kichu chíchamnunka kukùjiti

Lucas -kajaanchuiti, tsuernunkánam tura tarimiat aents matsátkamunam íruneawai, Ecuador nunkánam. Pushurin, muuké tenté, nijai wánkaram, wincharpátniuiti urenka. Lucas -ka wincharpatin tútainti.



Yama juármanum kampuniúnam jeawármiai, numi wajatar ajánuman, yajasma ukujtiurma wajatar ajármiai.

Tui pujaj, tímiayi Nantu, wampáchnum enketu jinkín, juna istasa wakérimjiai.

Támajain, charátum ajamu tura wishiamu antúnakmiayi amaíniya, nuka uchi yurankén juiniak wekásar túmarmiai.



Inintrusma jintía.

1. lísta, emka nuwach muuknum uré etsénkrakeawai
¿Tuimpia nekápmamu menaint nuachisha pujá?
2. ¿Warí yajásma matsatea tame juú kampunmiúnmasha?
3. Uchi núa tura áishamsha nekápmarta túa imía nukapet
¿nuáchik túmatskesh áishmanchik?

Imiatkin nekamtikma: Nántuka kampuniúnmaya sawa, Ecuador nunkánam matsamín, kuishí ésaram, ujuké timía tujúchaiti , Nantu apach chíchamjainkia Luna, tura shuar chíchamjainkia nantu tútainti.



Nantu wisha yurankén júktasa wakérajai tiarmiayi,
támanum inkiúkarmiayi menaint uchi irástasa
wekaíniajai tura chankínnium yurank aímramun
súsarmiayi.

Sesaka nukap yurankén chumpirmámiayi, Lucas - ka
ishíchik júkímiayi, tura Nántuka penké jukichmiayi, niinkia
kukuj yurank tepán wainiak nujai nakurú wekás ajuámiayi
napín.



Inintrusma jintía.

1. Nuwash tura Sesa -jai núkapek juúkara túmaskech
ishíchikik júkara. ¿Urúkamtai?
2. Wapaí nunká tepena tura yumunsha nekápmarta. ¿Tuki
imiankas núkapet wapaíyash túmatskesh yumnkash?
3. ¿Napi tepá wainkiamsha itiúrkaimek?



Shushuí niisha páchitkia asa, Sesa chunkintrín yurank
áinkiamunt iis chichak.

¡Sesa Chunkintrín imiantkas yukankén tákakeawai
Lucas -jaikia, tura nuach chunkintrín Lucas - jainkia
iísmaka ujumaik tákakeawai, antsu winiajai métek
tákakeaji.

Yamaikia weaji tímiayi Sesa, tura yuminmas
ikiurmákmiayi yurank susamu asa.



Inintrusma jintía.

1. Tuú yukankea imia wakeram?
2. Sesa Chunkintrín urutmá yurankea ríunea, nekápmaram
íista, áintsamek Lucas - nasha. ¿Yana Chunkintrín imiankas
núkapeash tákakea? ¿Nuransha awak?
3. Íista, nawe áintiuk Kapaku katsaip nunkánam awai. ¿Wari
nekápmamua eemak atua?

Imiatkin nekamtikma: Kapantin yutuikia Ecuador-a nunké+n tarímiat áents
matsámtainiam íruneawai ,tura tseásrinkia tii najam ijjúkratniuiti.



Kampunniun ikiukiar, naintiak warukármiai. Nase suu umpuimi micha ajámunan jeawar, pushí núparman apujarmiai.

Nui kintiámrar kashi ajasmánum, yantsa newat newat ajaíniakui Nantu chichak -nuá keaná iisiana-.

¡Yántsaiti Lucas chicháreak itit amájkashtai, tsaapín amájturmaji!



Inintrusma jintía.

1. Nusee nupa nekápmaram,kukujsha nekápmarta,túa imiatkas nukapet? Núrancha awák?
2. Waarí pushi apújmameam tsetsémakmesha?
3. Sesá tsuemú itiairin tákakmanum íista,kampunniun tsuemuri yarush nekápmamu iniákmawai;tuimpia yarush nekápmamusha waíniam?Tsará ewéjmijai iniákmasta.



Nántuka kirítzniun itiámiayi.

-lískuana jíí uunt írmajnia au tímiaja Nantu.

tura jíí uchichisha iirmaji tímiayi Lucas.

Menaint amíkchirijai wekaíniaka, kurata
nankámsarmiayi sapijai, tura numi uunt waja asa ni
numíchirijai nukukármiai

Áintsank Nantusha jiichiri pujak íis shiir kanarmiayi.



Inintrusma jintía.

1. Tuimpía numi timia írunea, ¿Juú nakumkámunam tumatskesh ame unuimiátairmin?
2. Ísta, Nayaímpiniam ewej yaa eketaíniawai, ¿Wari nekápkamu ayamach pujá ewejnúmiasha, jímiar túmaskesh ujuk?
3. ¿Amesha kirit ishámamek? ¿Urúkamtai?

Imiatkin nekamtikma: Frondoso tanmaka numi nukap nukarka samenma, paant shiram waja núwaiti.



Kashi tsawárar tsaapín ajásmatai iimsar

Sesa wishiak tímiayi: - jíí uunt kashi írmajnia nuka ampúshaiti.

-Tura uchich jíí irmajnia nuka katipí jíí áiniawai Lucas tímiayi.

Takui chíkich ajamasmash matsatea, kakárar wishirármiai wararmu enentaijai túrunawar yumínmasar kanakármiai chíkich nunkánam wénak...



Inintrusma jintía.

1. ¿Tuu yajasma kampuniúmmaya timia pénker wakéram?
2. Nantu kuishi nekápmaram áminiusha nekápmarta.
¿Yana kuishi imia nukapet?
3. ¿Tuimpiá imiankas yajasmáchisha írunea? ¿juú papi nakumkámunam túmashkesh ame jeeminín?



Juú weka kaunkákamunam tsuer nunkanam weármiai
Nayantsa chíchimiuri tura kunarí ísar ishámkarmiai

Nántuka seemak tsek, tsek wen ajámiayi, tuma wekás,
nuí pujá ¡chará!amajkámiai.

Nuka úrik uchich ámiayi, niinkia kajek ímiayi Nantún.



Inintrusma jintía.

1. Íista, ewej ijiu wajaíniawai nayants entsá ayámach. ¿Nuyá, wari nekápmamu winia?
2. ¿Nayantsa entsarisha urutmá jeakuit nekapsa íiamsha?
3. Wawik tsuntsu irúntramu iista, pékakmanum ewej nekápkamu awai, ¿chíkich pekákmanumsha itiurá irúntramu áminiat?



Nantu, uriki nawe takarás chicháreak -núkap
nawechiram tákakeame- tutai, úrik tsar esai jasasta
tímiayi.


Keer keer tinia ¡Chara! Ajákmiayi Nántuka.

Úrik chichÁreak -takársarain tusar nakít nuitji- tsuer
nunkánmamka núkap yajasmach íruneaji.



Inintrusma jintía.

1. İista, tsaapin ankán ámunam menaint chinki nanámeawai,
¿Warí nekápmamu tiarmia ayámach pujá? ¿Chikíchik
túmatskesh áintiuk nekápkamu?
2. Nayantsa matri tura kunkuim nekápmarta, yaikmíniam
pujuinia nu turuttia.Tua Timia nukápet ,nayantsa maatrín?
Tumatskesh kunkuímiak?
3. ¿Urúkamtai kampunniúnmaya yajasmach írunu
takáschatniat?



Sesa, yaikmíniam yajasmachi nakumar iniákmasmiayi,
túrasha máshikia nakúmkachmiayi.

Lucas, uriki aníntrak - ¿Yajasma 1,3,7 tura 9 nawén
tákaku áwak?-

Nantu, chará, chará ajakui pénker antúkchamnia
ajámiayi, -Kanúnam enkemratai Galápagos weaji tusa-




Inintrusma jintía.

1. ¿Urúkamtai yaikmíniam tsuat ajápashtiniat?
2. İsta uriki nawé, nawe nekápmamu tákakeawai, núrasha
¿Wari nekápkamu winia?
3. Katsaip nawé nekápmaram tura uriksha nekápmarta tuki
timía nawenniuit. ¿Urutmá nawé iwiaktukma tákakea?



Galapagos jeámujai nékapek, yajasmach maatai pushijiai entsarar wajatar ajainia wainkíar ishamshim warasármiai.

Maatu kankají winkia wajámiayi, tura chichárainiak, entsa yukuakar awakmáktinian pujuraíniawai, atumsha pushí entsartárum yukuaktin, tusa Susam apúsarmiai menkákarain tusa.



Inintrusma jintía.

1. Nayantsa maatri eemka wajawai ¿Warí yajasmachía ujuk pekákmanum wajá?
2. ¿Warí naartiniat yajasmach paatsé tákaku tura yaitiás wekainia ainia aushá?
3. Ìista , ijiu yuranké nawe ewej yuranke awai, ¿Nuyasha warí nekápkamu winiá?

Imiatkin nekamtikma: Yukuáktasa apújmantai imiatkin yukuakar wínchumeakur apújmantaiya núwaiti jinium tura nujíniam entsa mushútkarain tusa.



Mash pekámkar ámunam, Nantu nisha uumsán shaút etema wajásmiayi.

Yantana juárkimtai chíkich yajasma yukuatán nankamawármiai winchumawar.




Inintrusma jintía.

1. lísta, nawe jímiar tarach awai juarma tesamu nekápmamunam. ¿Warí nekapka winia nawe jímiar ukúnmarisha?
2. lista, yajasmach pekámak írunu íista kunquim emka pátatkarí wajawai. ¿Pinkuú maatcha tuimpiá páchitkia?
3. Tuimpiá pujá paínkiarma namak tura entsaya yawá áintsan entsaya titikríats, tsara ewéjmijai iniákmasta.



Yantana émak támiayi, nuí nayantsa maatrí ukúnam, samenma namak pátatka támiayi, nuna ukúnmari uunt namak, apup, kunkuim, kunkuntiur namak, uunt marunch, entsaya yawá, kunkuim tíí ukúnam támiayi.

Lucas, ¡chara! tinia, -Nantu winiawai iistárum- niinkia yukúntam nékachu asa ukúnam juak winímiayi



Inintrusma jintía.

1. Itiúrkainmek tunká uúntjai waíniakmesha?
2. Entsá Kaya ámunam iistá wawik tsuntsu íruneapai. ¿Turuttiá túa imiankas írunea wawik tsuntsu túratskesha kayak?
¿Núkapkai, métekkait, ishíshkikíait?
3. Íista, entsa yukuaka weámunam entsá púkarniuri menaint awai, uúnt tura uchich juuktaj takumshá ¿urútmak júkaintiam uuntsha tura urútma uchichisha?



Sesa tura Lucas paket miniakak wararsármiai, yukumta nékachuitiat pachinkia asamtai.

Juú wekasámunmanka tii unuimiarármayi Ecuador-a nunkenka chikíchikimsa iismaka núkap jintíntramji, tusar, nii wekás iis panka penker enentaijiai unuimiarar tii warasar weármiai.




Inintrusma jintía.

1. Chinki tuakma aú iistá, áintiuk chinki pekámak eketaíniawai, emkamúnmanka menaint patatkamu chikíchik chinki awai ¿ltiurá utuakma írunea chíchik pekamkamúnmasha.
2. ¿Warimpiá imiankas wakéram ame pujámunmasha?
3. Menarmín ijiu nekápmarta, untsumumsha nekápmarta, Untsumum timia ijiu íruneawai, urutma núrancha írunea?







ISBN: 978-9978-14-665-1



9 789978 146651